

ATIA, AHATA, ARMA y Camara di Comercio ta pidi sindicatonan pa reflexiona y no manifesta

ORANJESTAD(AAN):

Diahuebs atardi na Camara di Comercio a tuma lugar un conferencia di prensa organisa pa ATIA, ARMA, KVK, y AHATA, relaciona cu e situacion unda cu e diferente sindicatonan a manifesta, y lo manifesta atrobe riba e echo cu Gobierno no kier paga indexering.

Presidente di ATIA Serge Mansur a splica cu e organizacionnan aki ta hopi preocupa cu e desaroyonan cu ta tumando lugar relaciona cu e negosacionnan riba indexering, unda cu ta mustando manera e desaroyonan ta bayendo den direccion hopi peligroso pa nos pais.

Segun Mansur e ta pidi pa esnan cu tin Aruba na pecho, y cu tin e responsabilidad, pa haci tur cu nan por pa guia e situacion aki den un direccion mas positivo pa e pais.

Mansur a sigui bisa cu prome cu nos papia di "Inhaalmanoevre" y Indexering, nos mester yuda Gobierno baha su gastonan.

Presidente di ATIA a urgi e presidente di e sindicatonan pa acudi na e reunion proponi pa Gobierno pa Dialuna, pa asina por yega na palabracionnan positivo pa Aruba.

Relaciona cu henter e situacion aki, Francis Saladin di Camara di Comercio a duna diferente sugerencia.

Segun Saladin mester respeta "Schaalering", pasobra actualmente hopi nombramento ta worde haci sin tene

cuenta cu "schaalering".

Tambe Saladin ta puntra pa restructura pensioen, mirando cu actualmente nos tin un pensioen mucho luhoso, pues mester busca un forma pa drecha e situacion aki. Saladin a sigui bisa cu mester deshaci di personal cu no ta presenta na trabao, pasobra esaki ta un gasto cu nos no por carga.

Ta hopi importante tambe pa nos duna nos personal den Gobierno un "Upgrading" pa asina nan por brinda un mihor servicio na pueblo di Aruba.

Segun Sra Lisette Malmberg di Camara di Comercio e sindicatonan mester evita di tuma accionnan cu nan sa lo perhudica Pais Aruba y su pueblo, y e ta urgi e partidonan politico pa no haci mal uso di e situacion aki, pa probecho politico.

Tambe e ta urgi tur empleado cu no ta empleado publico, pa reflexiona y no participa den un proceso cu lo empeora finanzas publico, y

e ta urgi sindicatonan y Gobierno pa muestra liderazgo responsable y muestra un actitud di cooperacion, pa salvaguardia e posicion di nos pais.

Na final di e conferencia di prensa a puntra Serge Mansur si e intencion ta pa

ATIA, ARMA, AHATA y KVK fungi como un mediador entre Gobierno y e Sindicatonan, unda cu Mansur a bisa cu e ta dispuesto pa haci esaki, en especial mirando cu el a haya informacion cu probablemente WEB y

SETAR lo participa na e proximo manifestacion, caminda cu esaki por tin consecucionan hopi negativo pa pueblo di Aruba, nos turistanan y comercio en general, si corta awa coriente y telefon.

Diferente periodista a worde yama pa duna declaracion, relaciona cu menazanan via telefon

ORANJESTAD(AAN):

Matutino DIARIO a haya informacion cu relaciona cu detencion di e dos funcionarionan di Gobierno cu a worde deteni, pa motibo cu supuestamente nan a haci menaza na diferente persona den nos comunidad, usando telefon di Gobierno, e Vocero di Gobierno a yama diferente miembro di prensa pa nan duna un declaracion

cu nan tambe sa usa telefon di Gobierno den sala di prensa pa haci yamada.

Segun e miembronan di prensa esaki ta pa muestra cu no ta e personanan deteni a haci e yamadanan.


Mayoria di esnan di prensa a indica cu na ningun momento nan ta usa e telefon aki, y sigur no pa haci menaza na ningun hende pa motibo cu esaki ta un acto

hopi baho, cu prensa no ta participa den dje.

Un miembro di prensa a hasta yama polis pa haya mas informacion, unda cu polis a indica cu na ningun momento e intencion ta pa e reporteronan bin duna ningun clase di declaracion pa cu e asunto aki.

Segun polis esnan cu a worde sospecha di a comete e acto aki ta worde investiga, y no miembronan di prensa.

CU KI CARA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Antena
Afl. 35,=